

Kòkòbì Páũlũ ní sǐi sǐé 'bá
Ĕfésō
vé rǐ pi ní rǐ
Tã búkũ rǐ vé rǐ ã ũlũngará

Ĕfésō ri kǔrú ãmbúgu ãngũ ĩ ní zǐ Tákĩ rǐ ã jǐlé gá ũtú ní 'dengará gálé rú. Páũlũ adri caá ãngũ rǐ agá 'dǎlé ílí na, ri tǐ Múngu vé rǐ sǐé 'bá rǐ pi ní (Ĕzǐ 19). 'Bá kárakará ãngũ rǐ agá rǐ pi, 'bá kǔrú rǐ ã gǎrǎ rǐ pi be, ẽ'yǐkĩ Yésũ ri rá. Vúdrǐ ni gé, Páũlũ kǎ rií adrií jó ãngũ ũ'yǐzú rǐ agá Rómã gá 'dǎá, sǐ kòkòbì 'dǐri sǐé 'bá kǎnísǎ vé Ĕfésō gá rǐ pi ní, lǔzú kòpi ní kǐnĩ, ẽsǐ kòpi ní 'bǎá Kúrísítō drǐgé 'dǐri, Múngu ũtǐ tã ni ní kǐnĩ, Úpí Kúrísítō ri adri ãmbúgu ngá vũ drǐgé nǒgó rǐ pi drǐgé, ãzini ngá 'bũ gé 'dǎá rǐ pi drǐgé.

Cápĩtã 1-3 agá, Páũlũ ũlũ 'bá Múngu ní ũpǐé gǐ rǐ pi vé tã, ãzini ũlũ tã Múngu ní kòpi pazú ìvé ũnjĩkǎnyǎ agásĩ, ĩri ní kòpi úmúzá ícázú Kúrísítō be ngá ãlu ĩrivé drǎngará sǐ rǐ vé tã, ãzini ũlũ ĩrivé íngángará ídri rú drǎngará gálésĩ rǐ vé tã. Cápĩtã 4-6 agá, lũ 'bá rǐ pi ní lǐtǐ kòpi ní ĩ úmúzá ícázú ngá ãlu Kúrísítō rú' 'bá gá rǐ.

¹ Ma Páũlũ 'i, Múngu ĩpǐe ma adrií Kúrísítō Yésũ vé 'bá áyúáyũ ni rú.

Á sǐ kòkòbì 'dǐri sǐé 'bá adri' 'bá Ĕfésō gá ẽsǐ 'bǎ' 'bée Kúrísítō Yésũ vé ẽzǐ nga' 'bá rǐ pi ní.

² Ēsị múké, āzini tākiri íngápi 'bá Ētẹpi Múngú vúgá, āzini Úpí Yẹsụ Kúrísítō vúgá rī ā adri ĩmi be.

Múngú sē 'bá ní tākiri Kúrísítō ā rụ sī

³ Lē 'bâ íngúkí 'bávé Úpí Yẹsụ Kúrísítō Ētẹpi Múngú ri, ĩri ní 'bá ní tākiri sēe adrizú Kúrísítō agá rī sī, Kúrísítō íjị 'bá ní tākiri rī 'bụ gélésíla.

⁴ Drīdrī ni, Múngú ní drī 'bụ pi gbizú vū be kuyé rī gé, ĩpē 'bâ adrii uletere 'bá ívé ni pi rú ũnjikānyā ākó, Yẹsụ Kúrísítō ā rụ sī. Múngú vé lēngará sī,

⁵ 'du 'bâ 'bāá anji ívé ni pi rú Yẹsụ Kúrísítō ā rụ sī, tā ni íbí íngá ĩri ē ẹsị agá.

⁶ Lē 'bâ íngúkí Múngú ri ẹsị múké ĩri ní 'bāá 'bá ní āmbúgú tā ĩrivé Mvā ĩri ní lēlē rī ní 'oó 'bá ní rī sī.

⁷ Kúrísítō vé ārí dā 'bâ tā sī, 'bâ drī jezú, trūkí 'bâ āni 'bávé ũnjikānyā agásí gí, Múngú vé ẹsị múké rī ā tā sī.

⁸ Múngú ē ẹsị ní adrii 'bá ní múké rī sī, sē 'bá ní úmī, āzini tā nīngará.

⁹ Múngú vé tā ándúrú ĩri ní úcí kuú 'í ẹsị agá rī, i'da nóni 'bá ní āmvé. Tā ni íbí íngá ẹsị ni agá, i'da tā rī Kúrísítō ā rụ 'bá gá.

¹⁰ Tā Múngú ní ụttị rī, ĩri 'dini, sâ ni kādō ícọ, ĩri ímụ ngá 'bụ gé rī pi ĩkūnā ngá vū drīgẹ rī pi be cére vūrā ālu gé, Kúrísítō ri ímụ adri kọpi drīgẹ nī.

¹¹ Múngú ũpē 'bâ adrii anji ívé ni pi rú Kúrísítō agá. Ũpē 'bâ ọtụ ínógósị í'dóngará gá 'dāá, tā rī pi ĩ nga, sụ Múngú ní ụttị rī tịni.

12 Múngú 'o tā 'dīri 'dīni, 'bâ éśí 'bā'bée Kúrísítō drīgé drīdrī rī pi, 'bâ íngúkí rí Múngú ri āní.

13 Īmi ní Kúrísítō vé ú'dúkó múké áda rī yīi rá rī sī, ú'dúkó múké ĩmi ní ẹ'yīi gí 'dīri pa ĩmi nĩ. Īmi ní Kúrísítō ri ẹ'yīi gí rī sī, sē ĩmi ní Índrí Uleterē ĩri ní tā ni ẹzīi rī, lūzú kínĩ ĩmi 'bá Kúrísítō vé ni.

14 Tā Múngú ní Índrí Uleterē rī sēzú 'bá ní rī, lū 'bá ní uleterē 'yozú kīnĩ, ngá Múngú ní ẹzīi ívé 'bá rī pi ní, 'bá ní rīi ūtēé rī, ĩri ímú sē 'bá ní rá. Kúru Múngú ri ímú 'bá ní drīwālā sē, 'bá kúru ĩri ĩnjī, āzini 'bā ĩri íngú.

Páũlũ zī Múngú ri

15 Á yī tā ĩmi ní Úpí Yēsũ ri ẹ'yīzú rī rá, āzini ā yī tā ĩmi ní 'bá Múngú vé rī pi lēzú céré rī rá.

16 Ụ'dú céré má kādō rīi Múngú ri zīi, ma ri ĩmivé tā lū Múngú ní, ma ri ōwō'dīfō sē ĩri ní ĩmi tā sī.

17 Ma ri Múngú 'bávé Úpí Yēsũ Kúrísítō vé Ẹtépī ĩ ní ĩnjīi ĩnjī rī zī ĩmi ní, ā sē rí ĩmi ní Índrí tā nīzú ni, ẹ í'da rí ĩmi ní tā Múngú vé rī, ĩmi nīkí rí Múngú ri āní múké múké.

18 Ma ri Múngú ri zī ĩmi ní, ā zī rí ĩmivé úmĩ, ĩmi 'bākí rí éśí tā áda ĩri ní ĩmi zizú rī nīzú āní, āzini ĩmi nīkí rí dīngará úmvúlésĩ ĩmi ní dīzú 'bá Múngú vé rī pi be trū ālu 'dāri āní.

19 'Bá lēkí ĩmi nīkí Múngú vé ũkpō āmbúgú ĩri ní sēé 'bā ĩri ẹ'yī 'bá gí nō'bée ní rī. Ũkpō 'dīri ĩri ní áyú

20 Kúrísítō ri ingazú gōzú ídri rú drāngará gálésīla rī, sē ĩri úrí ívé drī ęndępī* gé 'bū gé 'dāá.

21 Kúru Kúrísítō ri āmbúgú mālāyíkā rī pi drīgė, índrī ũnjī rī pi drīgė, 'bá tǎimbī sē 'bá rī pi drīgė, 'bá ũkpō be rī pi drīgė, āzini 'bá āngū ru 'bá rī pi drīgė, adri 'yęná béré āndrū nō 'bée drīgė kuyé, ĩri adri āmbúgú cazú lókí ímúpi drīdrī 'dī rī gé.

22 Múngú 'bā ngá rī pi ārėvú cérė ĩri ā pálé gá, Múngú ĩpē ĩri adrií āmbúgú ngá rī pi drīgė cérė 'bá kǎnísā† vé rī pi ní.

23 'Bá Kǎnísā vé rī pi rú 'bá Kúrísítō vé ni. Kúrísítō ri ęzī nga kǎnísā ívé rī agá nī. ĩri ívé ũkpō sē 'bá kǎnísā vé rī pi ní nī.

2

Kúrísítō ri sē 'bā ídri ísú rá

1 ĩmi ní ándúru Múngú vé tǎ gǎá sī, āzini ĩmi ní rīí ũnjīkǎnyā 'oó rī sī, índrī agá, ĩmi āsámvú rará rú Múngú be, ĩmi índrėkí sū 'bá ũdrā 'bá gí rī pi tīnī.

2 Lókí 'dāri gé, ĩmi rikí tǎ ũnjī nyōókú nōri vé rī 'duý ngaá, ĩmi rikí Sātánā adriípi āmbúgú índrī ũnjī rī pi drīgė rī vé tǎ 'duý ngaá. Sātánā ālu ālu 'dīri ri 'bá Múngú ri gǎ 'bá sī rī pi ě mī ũ 'bā 'de tǎ ũnjī agá nī.

3 Őtú 'bá rikí cérė tǎ 'oó sū 'bá ũnjīkǎnyā 'o 'bá rī pi tīnī, 'bá rikí tǎ rú 'bá nōri ní lėé rī pi 'duý

* **1:20 1:20** *Drī ęndępī rī:* Drī ęndępī vé íffí, ĩri vūrā Múngú vé ĩ ní ĩnjī ĩnjī rī, āzini vūrā ũkpō sėzú rī. † **1:22 1:22** *Kǎnísā:* Kǎnísā ri 'bá Yęsū Kúrísítō ri ę'yī 'bá gí rī pi.

ngaá, āzini tā 'bâ ẹsị ní lěé rĩ 'duụ ngaá. Tā rụ 'bá nōri vé rĩ sī, Múngú ã 'a ve 'bá ní ũnjí ũnjí, sũ ĩri ã 'a ní veé 'bá ụrụkọ ũnjĩkányā 'o'bá rĩ pi ní rĩ tịni.

⁴ 'Bo Múngú ní 'bâ lěé agaá rá rĩ sī, 'bā ívé ẹsị ĩdríkídri agaápi rá rĩ 'bá ní rá.

⁵ 'Bá ní ũnjĩkányā 'oó rĩ sī, 'bā adrikí dō sũ 'bá ũdrā 'bá gí rĩ pi tịni drāáāsīyā, Kúrísítō sī, índrí agá, 'bá gōkí ícá ídri rú. Īmi ndrekí drī ká, ĩrivé ẹsị múké rĩ sī, pa ĩmi gí.

⁶ Múngú inga 'bā gōó ídri rú Kúrísítō be trụ, sē 'bá ní vūrā mụzú úrízú Kúrísítō Yẹsũ be trụ ívé mālũngā 'bũ gé rĩ agá.

⁷ Múngú 'o tā 'dĩri 'díní lǔzú kínĩ, ĩrivé ẹsị múké agaápi rá rĩ sī, ĩri ímụ 'bá ní tã múké sē, 'bá ní Kúrísítō Yẹsũ ri ẹ'yĩjí gí rĩ sī.

⁸ Múngú pa ĩmi ẹsị múké ívé rĩ sī, ĩmi ní Yẹsũ ri ẹ'yĩjí gí rĩ sī. Tā ni íbí íngá ĩmi vúgá kuyé, Múngú sē ĩmi ní fēfē rú ẹsị múké ívé rĩ sī.

⁹ Múngú pa ĩmi ẹzị ĩmi ní ngaá rĩ sī kuyé, 'bá āzi ē íngú rí 'i pangará 'dĩri sī ku.

¹⁰ 'Bávé adringará Kúrísítō Yẹsũ agá nōri, Múngú sē 'bâ ícá nóni nĩ, Múngú sē 'bá ní ídrí ú'dí tã múké 'ozú, útú tã múké 'dĩri vé tã kú ịnógósí, 'bâ rikí ngaá mụzú.

'Bâ ngá ālu Kúrísítō agá

¹¹ Īmi 'bá adri 'bá Yāhúdĩ rú ku rĩ pi, lě ĩmi ígákí

tā Yāhūdī ī ingú 'bá īvé ágélé ē tị úlīngára* ā tā sī, 'yo 'bá kīnī īmi pāgánō, úlīkí īmī ágélé ē tị kuyé 'dāri.

¹² Lē īmi nīkí amá múké 'yozú kīnī, lókí drīdrī 'dāri gé, īmi rikí adrii Kúrísítō rụ 'bá gá sī rará rú, gūkí īmi Múngú vé 'bá Īsērélē vé rī pi āsámvú gé sī āmvé, īmi nīkí ūndī Múngú ní rụ 'bá Īsērélē vé rī pi be rī kuyé. Īmi ní rizú adrizú vū drīgé nōgó rī gé, Múngú adri īmivé ni kuyé, āzini īmi 'bākí éšī drī ni gé kuyé.

¹³ Ándúru īmi āsámvú Múngú be rará rú, 'bo nóni Kúrísítō vé drāngára úmú īmi ícá ngá ālu Kúrísítō Yēsū be gí, īmi ní īri ẹ'yī gí rī sī, īmi nóni Múngú be īnyīnāná.

¹⁴ Kúrísítō íjī tākíri 'bā āsámvú gé 'bá adri 'bá Yāhūdī ku rī pi be, ícá 'bā āsámvú ícá ngá ālu, sē ngūngára ūnjí 'bá ní 'bā acozú rī gō de ẹ rá.

¹⁵ Kúrísítō vé drāngára ímú tāimbí Yāhūdī rī pi vé ī ní 'bá adri 'bée Yāhūdī rú ku rī pi gūzú āmvé 'dīri fụú drāá rá. Tā ā pá īri ní ímúzú rī, ímú kōpi úmú ícá ngá ālu, íjī tākíri ícá kōpi āsámvú gé.

¹⁶ Kúrísítō vé drāngára peṭi alambaku† sịgé rī, úmú Yāhūdī rī pi 'bá Yāhūdī ku rī pi be ícá ngá

* **2:11 2:11** *Ágélé ē tị úlīngára:* Múngú lū Ābūrāmā ní kīnī, anjī āgō Ābūrāmā vé rī pi adrikí dō caá ụ'dụ ārō gí, lē ā úlīkí kōpi ā ágélé ē tị rá, ā lū rí 'yozú kīnī, kōpi anjī Múngú vé ni. 'Bá rī ā'yī dō 'í ágélé ē tị sēé lị gí, īri tāimbí Mósē vé rī 'dụ nga. 'Í lā Ídóngára 17:9-14; Ẹzị 15:1-5. † **2:16 2:16** *Peṭi alambaku:* 'Bá Rómā vé rī pi rí 'bá tā 'o 'bá ūnjí rī pi gbā mūsūmārī sī peṭi alambaku sịgé, īri sá 'dụ āco kōpi íbī drā ndō, kōpi ízāngā nya ambamba drāngára rī gé.

ãlu, sē kôpivé ãsámvú Múngú be rĩ gō ícá múké, sē tã kôpi ní ĩ ngũzú ũnjí rĩ gō deę rá.

17 Kúrisítō ímú ụ'dụkọ múké tākiri vé rĩ ũlũú ĩmi 'bá adri'bée Yāhúđĩ rú ku Múngú ri nĩ'bá kuyé rĩ pi ní, āzini 'bā Yāhúđĩ rú Múngú ri nĩ'bá rá rĩ pi ní.

18 Nóni 'bā Yāhúđĩ rĩ pi, āzini 'bá adri'bá Yāhúđĩ rú ku rĩ pi ícọ ca 'bá Ẹtẹpi Múngú vúgá 'dǎá ũkpō Índrí Uleterere ãlu ãlu 'dĩri vé rĩ sī, āzini tã Kúrisítō ní 'oó 'bá ní rĩ sī.

19 Nóni ícókí ĩmi zịj jākā ku, āzini ícókí 'yoó kínĩ, ĩmi adrikí āngũ 'dípáa kuyé 'dini ku, 'bo ĩmi nóni āngũ 'dípáa 'bá Múngú vé rĩ pi be trụ, āzini ĩmi nóni anji Múngú vé ni ĩrivé 'bẹtị ãsámvú gé.

20 ĩmi adrikí sụ jó ĩ ní sị rĩ tịni, nẹbị rĩ pi, Yẹsụ vé 'bá áyúáyũ rĩ pi be, kôpi írā anji ĩ ní ụtị í 'dózú jó sịzú āní rĩ tịni, Kúrisítō Yẹsụ ri ívé rĩ írā sẹpi jó rĩ ní pá tuzú āní ũkpó ũkpó rĩ.

21 'Bá Yẹsụ ri ẹ'yĩ'bá gí rĩ pi úmúkí ĩ ícá ngá ãlu Yẹsụ be, kôpi gōkí ícá Jó uleterere Úpí vé ni.

22 ĩmi 'bá adri'bá Yāhúđĩ rú ku 'dĩ'bée, Kúrisítō úmú ĩmi ícá Yāhúđĩ rĩ pi be ngá ãlu, ĩmi adrikí rí vūrā Índrí Múngú vé rĩ ní adrizú ni.

3

Páulũ ũlũ ụ'dụkọ múké Múngú vé rĩ

1 Ma Páulũ 'i, 'bekí ma jó rizú āngũ ũ'yĩzú rĩ agá, má ní ụ'dụkọ múké Kúrisítō Yẹsụ vé rĩ ũlũú ĩmi 'bá adri'bá Yāhúđĩ rú ku rĩ pi ní rĩ ã tã sī.

² Ádarú ĩmi yĭkí rá, ẹsĭ múké Múngú vé rĩ sĭ, sē má ní ẹzĭ rizú ụ'dụkọ múké rĩ ũlüzú ĩmi ní ǎnĭ.

³ Múngú i'da tā 'í ní ỳtĭĭ kuú mūdūmūdū rú rĩ má ní, sū má ní sĭi kọkọbĭ drĭdrĭ rĩ agá ẹlĭnǎ rĩ tĭnĭ.

⁴ ĩmi kádō kọkọbĭ rĩ lǎá, ĩmi nĭ áamá uletere 'yozú kĭnĭ, á nĭ tā Kúrísĭtō vé Múngú ní ỳtĭĭ kuú mūdūmūdū rú rĩ rá.

⁵ Múngú i'da tā 'í ní ũzųų kuú mūdūmūdū rú 'dĭri 'bá ọtų drĭdrĭ 'dǎ'bée ní kuyé, 'bo nóni i'da tā rĩ 'bá Yẹsų Kúrísĭtō vé áyúáyų uletere rĩ pi ní, ǎzini nẹbĭ rĩ pi ní Índrĭ Uletere rĩ vé ũkpō sĭ.

⁶ Tā ĩ ní ũzųų kuú mūdūmūdū rú rĩ, ĩri 'dĭni, 'bá adri'bá Yǎhúđĭ rú ku rĩ pi ẹ'yĭkí ụ'dụkọ múké rĩ rá, kúru kọpi ímų ĩ úmų ícá ngá ǎlu Yẹsų be. Tā 'dĭri sĭ, kọpi Yǎhúđĭ rĩ pi be, kọpi céré tā múké Múngú ní lée sēé ívé 'bá rĩ pi ní rĩ ịsų rá. Kọpi drĭlẹ múké Múngú ní ẹzĭĭ Kúrísĭtō Yẹsų ǎ rų sĭ 'dĭri ịsų Yǎhúđĭ rĩ pi be trų ǎlu.

⁷ Ẹsĭ múké Múngú vé rĩ sĭ, sē má ní fĕfĕ rizú ụ'dụkọ múké rĩ ũlüzú, ǎzini sē má ní ũkpō ẹzĭ rĩ ngazú nĭ.

⁸ 'Bá Múngú vé rĩ pi ǎsámvú gé, mâ adri dō kọpivé ỳdų* drǎǎsĭyǎ, Múngú vé ẹsĭ múké rĩ sĭ, ịpĕ ma ụ'dụkọ múké Kúrísĭtō vé tā be agaápi rá rĩ ũlųú 'bá adri'bá Yǎhúđĭ rú ku rĩ pi ní.

⁹ Múngú ngá rĩ pi ǎrĕvų gbĭipi céré rĩ ịpĕ ma nĭ, mâ ũlų rí tā 'í ní ọtų ỳtĭĭ mūdūmūdū rú rĩ.

* **3:8 3:8** *Mâ adri dō kọpivé ỳdų:* Páulų átá tā 'dĭri 'dĭni, ǎ'diátǎsĭyǎ ọcų 'bá Yẹsų ǎ pámvú ũb' 'bá rĩ pi. 'Í lǎ búkų Ẹzĭ vé rĩ. Ẹzĭ 8:1-3.

10 Múngú lē ívé úmĩ tã 'ozú rĩ lūú mālāyíkã 'bũ gé 'dãã rĩ pi ní, āzini índrĩ ũnjĩ rĩ pi ní. Kōpi ímũ tã 'dĩri ndre lókĩ Yāhūdĩ rĩ pi ní ĩ úmúú 'bá Yāhūdĩ ku rĩ pi be trũ ívé kãnísã agá rĩ gé.

11 Múngú ũtĩ tã 'dĩri ọtú ìnógósĩ, tã 'dĩri nga 'i fũú tĩ ni gé gĩ, Kúrísítō Yēsũ 'bávé Úpĩ 'dũ tã ni ngaá nĩ.

12 'Bá ní adriĩ Yēsũ Kúrísítō agá, āzini 'bá ní ĩri ẹ'yĩĩ gĩ rĩ sĩ, ĩri 'bá ní drĩwālã sē, 'bã fi mužú Múngú ẹndrẹtĩ gé 'dālẹ ũrĩ ākó.

13 Á mã ĩmi drĩ ĩrĩ sĩ, ĩzāngã má ní nyaá ĩmi tã sĩ rĩ sĩ, lē ĩmĩ ẹsĩ ă adri ĩzāngã sĩ ku, ĩzāngã má ní nyaá 'dĩri sē Múngú ri ĩmi íngú ānĩ.

Páulũ zĩ Múngú ri 'bá Ēfēsō vé rĩ pi ní

14 Má kãdō riĩ tã Múngú ní 'oó 'dĩ'bée ũsũ, ma ri kũmũcí ũtĩ, ma ri 'bá Ẹtẹpi ri zĩ.

15 Ma ri Múngú ri zĩ, Múngú ri Ẹtẹpi 'bá céré pi vé ni, 'bá 'bũ gé rĩ pi vé ni, āzini 'bá vũ drĩgé rĩ pi vé ni.

16 Ma ri Múngú 'bá Ẹtẹpi dīipi pōwũpōwũ rĩ zĩ, ĩrivé Índrĩ ă sē rĩ ĩmi ní ũkpō ĩmivé ẹsĩ agá,

17 ānĩ Kúrísítō ẹ ĩsú rĩ vūrã fizú adrizú ĩmĩ ẹsĩ agá, ĩmi ní ĩri ẹ'yĩĩ gĩ rĩ sĩ. Ma ri Múngú ri zĩ ĩmi ní, ĩmi lẹkĩ rĩ Kúrísítō ri ẹsĩ be céré, ă sē rĩ ĩmi tukĩ rĩ pá ũkpó ũkpó.

18 Lē ĩmi ĩsúkĩ úmĩ tã nĩzú ámázú, sũ 'bá Múngú vé rĩ pi ní ĩsú rĩ tĩnĩ, ĩmi nĩkĩ rĩ lēngará Kúrísítō ní ĩmi lězú ambamba 'dĩri áamá ānĩ.

19 Á lē ĩmi nĩkĩ tã Kúrísítō ní ĩmi lězú ambamba 'dĩri, lēngará 'dĩri ícókĩ ỳ'bĩĩ bã ku. ĩmi nĩkĩ dō

lěngárá 'dĩri rá, ĩmi adri tā be p̄ri, s̄ Múngú vé r̄ t̄ni.

²⁰ Lě ē íngúkí Múngú ũkpō be riipi ěz̄i ngaápi 'bâ r̄' 'bá gá r̄, ĩri ícō tā ārēvú 'o aga, tā 'bá ní z̄i, āzini 'bá ní rií ũs̄ŭ r̄ pi dr̄igé s̄i céré.

²¹ Lě 'bá k̄nísā vé r̄ pi ē íngúkí Múngú ri, ē íngúkí Kúrísítō Yēs̄ŭ ri, āzini úyú dr̄idr̄i 'd̄ilé r̄ pi ē íngúkí Múngú ri mužú 'dáni'dáni! Ām̄nā.

4

Adringára tr̄i Kúrísítō agá r̄

¹ 'Yĩkí ma jó āngū ũ'ȳizú r̄ agá, má ní ěz̄i Úpí vé r̄ ngaá r̄ s̄i, á mā ĩmi dr̄i ĩr̄i s̄i, lě ĩmi 'okí tā múké ni pi mužú áyu, ā'diātās̄iyā Múngú z̄i ĩmi adrii 'bá ívé ni pi rú.

² Lě ĩmi íngúkí ĩmi ku, ĩmi adrikí tā be mādā. ĩmi 'd̄ukí tā r̄ mužú ěs̄i be mādā, ĩmi 'd̄ukí tā r̄ ngaá ĩmi āsámvú gé s̄i lěngárá s̄i.

³ Lě Índrí Uleterē r̄ ā úmú ĩmi adrii ngá ālu, ĩmi adrikí tā be k̄iri ĩmi āsámvú gé s̄i.

⁴ ĩmi úmúkí ĩmi céré ícá r̄' 'bá ālu gí, Índrí ĩmi ní ĩs̄ŭ r̄, ĩri ālu ālu 'd̄ĩri, Múngú z̄i ĩmi céré, ĩmi 'bākí rí ěs̄i tā dr̄idr̄i 'd̄ilé r̄ ũtēzú.

⁵ Úpí ri 'yéná ālu, ě'ȳingará ri ālu, bātízīmū ri ālu,

⁶ Múngú ri 'yéná ālu, ĩri Ętép̄i 'bá r̄ pi vé ni céré, ĩri āmbúgú 'bá dr̄igé céré, ĩri ri 'bâ áyú céré ri ěz̄i nga, ĩri ri adri 'bá agás̄i céré.

⁷ 'Bo Kúrísítō sē 'bá ālu ālu ní fēfē ívé ěs̄i múké vé r̄ ěz̄i ngazú āní 'í ní.

⁸ Tā ĩ ní s̄i Búkū Múngú vé r̄ agá r̄ k̄inī,

“Kā tųú mųzú ųrųgégé 'dǎá,
 jì ívé ari'ba rǐ pi mųzú ĩndĩ,
 í'dú ngá kárákará awaá ívé 'bá rǐ pi ní.”

⁹ Tǎ ĩ ní 'yoó kǐnĩ, tų mųzú ųrųgégé 'dĩri vé ífífí
 ǎ'di? Ĩri lǔ 'yozú kǐnĩ, drǐdrǐ ni, Kúrísítō ímú
 adrii vǔ drǐgé nōgó, vǔdrǐ ni gé, ĩri ní kúru tųzú
 mųzú 'bǔ gé 'dǎá.

¹⁰ 'Bá ímúpi vǔ drǐgé nōgó rǐ, ĩri 'bá ǎlu ǎlu
 ngaápi mųúpi ųrųgégé 'bǔ gé 'dǎá rǐ 'i, ĩri ímú
 adri ǎmbúgú ngá rǐ pi drǐgé céré.

¹¹ Kúrísítō ųpē 'bá rǐ pi ǎ ųrųko adrii 'bá
 áyúáyũ ni pi, ųrųko'bée nẹbǐ, ųrųko'bée 'bá
 Kúrísítō vé tǎ ũlũ 'bá 'bá Kúrísítō ri ẹ'yǐ 'bá kuyé
 rǐ pi ní ni pi, ųrųko'bée vé ẹzǐ adrizú atala* rú,
 ųrųko'bée 'bá ǎngũ ímbá'bá ni pi.

¹² 'Bá 'dĩ'bée vé ẹzǐ, kọpi ri 'bá Múngú vé rǐ pi
 ímbá, kọpi ǎ ngakí ri ẹzǐ Kúrísítō ní, kọpi ǎ adrikí
 rí ũkpó ũkpó ívé ẹ'yǐngára agá, kọpi ǎ úmúkí rí
 ĩ adrii rų'bá ǎlu Kúrísítō vé ni,

¹³ cǐmgbá 'bá ní 'bá úmúzú ícázú ngá ǎlu, 'bá
 ní Múngú Mvọpi ri ẹ'yǐzú, ǎzini 'bá ní ĩrivé úmĩ
 'dųzú tǎ ngazú, 'bá adrikí rí ũkpó ũkpó 'bávé
 ẹ'yǐngára agá, tǎ céré sǐ, 'bá adrikí rí sǔ Kúrísítō
 tǐnǐ.

¹⁴ Lē 'bá rikí tǎ 'oó sǔ anjiná nyíríná rǐ pi
 tǐnǐ ku. Lē 'bá ǎngũ ímbá'bá ũnjō sǐ rǐ pi
 vé ímbángára ǎ ri ĩmĩ úmĩ újá sǔ ũlĩ ní rii
 kúlúmgbá úvǐ yǐ drǐgé sǐ ngálá ngálá rǐ tǐnǐ ku.

¹⁵ Ngá múké rǐ, lē 'bá lẹkí 'bá lẹlẹ, 'bá átákí tǎ
 áda 'bá ǎsámví gé sǐ áyu, 'bávé ẹ'yǐngára ǎ mba

4:8 4:8 Sǎwúmǎ 68:18 * **4:11 4:11** *Atala rǐ pi:* Atala 'dĩ'bée
 zǎkí rọbọjọ ku. Kọpi ri 'bá kǎnísǎ vé rǐ pi ímbá.

rí ícá ũkpó ũkpó Kúrísítō adriípi kánísã drĩgé rĩ agá.

¹⁶ Kúrísítō úmú 'bâ céré 'í rú'bá gá, sũ ĩgélé ãndíãndí rĩ pi ní ĩ úmú adrii rú'bá ãlu gé rĩ tĩnị. ĩgélé ãndíãndí 'dĩ'bée ngakí dō céré ězị mụzú múké, kọpi ĩ lēlē, ĩri sē rú'bá rĩ mba ícá ũkpó ũkpó.

Ēsị újángará

¹⁷ Úpí ã rú sī, á lē 'yo ĩmi ní 'dĩni, lē ĩmi riki adrii sũ págánō tā nĩ'bá ku rĩ pi tĩnị ku.

¹⁸ Ọzụkí kọpivé úmĩ tā nịzú rĩ gí, kọpi gụkí ĩ rará rú ídri Múngú ní sēé rĩ agásí, ã'diātāsīyã kọpi gākí Múngú vé tā sī, kọpi ē drĩ ũkpó ũkpó.

¹⁹ Tã rĩ dō múké yã, dō ũnjí yã, kọpi ũsũkí ku. Kọpi lēkí tā drĩnjá sēépi ni 'oó mụzú áyu, ãzini kọpi ri tā ãzãvũ rú ni pi ẹnđị 'o mụzú dđị dđị.

²⁰ 'Bo tā Kúrísítō vé ĩ ní ímbá ĩmi ní rĩ adri 'dĩni kuyé.

²¹ Ádarú ĩmi yìkí Yēsũ vé tā rá, ãzini ímbákí ĩmi ní tā áda Yēsũ vé rĩ rá.

²² Ímbákí ĩmi kínĩ, lē ĩmi kukí létị ụkụ ándúró ĩmi úbépi fípi ũnjĩkãnyã 'ozú 'dãri ãní, lē ĩmi kukí tā ándúró ĩmĩ mị ũ'bãápi, ĩmi iza'bée izaza rĩ pi ãní.

²³ Ímbákí ĩmi kínĩ, lē ĩmivé yĩkị tā 'ozú rĩ ã újá 'í ícá ú'dí.

²⁴ Lē ĩmi újákí ĩmivé adringará ícá ú'dí sũ Múngú ní ĩmi gbíi sũ 'í tĩnị rĩ tĩnị, ádarú ĩmi adri tā be pịrị, ãzini uletere.

²⁵ Kúru lē 'bá ãlu ãlu ã ku ũnjō ãní, lē ã átá tā áda rĩ áyu 'í ọgũpịi Yēsũ ri ẹ'yĩ'bá gí rĩ pi ní,

ã'diātāsīyā 'bá úmúkí 'bâ céré adrií rú' 'bá ālu Kúrísítō vé ni gí.

26 "Īmî 'a ve dō gí, ā sē ĩmi fií ũnjĩkānyā 'oó ku." Īmî 'a ve dō gí, lē ĩmi kukí 'a vengárá 'dĩri ā ca ũtú ní 'dengárá gá ku.

27 'A vengárá ri sē ādróko† ri vūrā ĩsú úrízú ĩmî ěsí agá.

28 'Bá āzi dō ĩmi āsámví gé 'dĩgé ũgú rú, lē ā ku ũgū ā vúgú āní. Lē ā nga ězĩ 'í drĩ sĩ, ě ĩsú rí ngá, ā ko rí 'bá ngá ākó rĩ pi ě ĩzā āní.

29 Lē átángá ũnjí ě ĩfū ĩmi tĩ gé sĩ ku, 'bo lē ĩmi átákí tā múké 'bá rĩ pi ě ĩzā koopi ni áyu, ā ko rí 'bá tā rĩ yĩ' 'bá rĩ pi ě ĩzā.

30 Lē ĩmi sėkí Múngú vé Índrí Uleterē rĩ ní ĩzāngā ku, Múngú sē ĩmi ní Índrí Uleterē rĩ, ā nĩkí rí ĩmi áamá āní kínĩ, ĩmi 'bá ívé ni, cazú ú'dú 'í ní úmvúlésĩ ĩmi oyuzú ũnjĩkānyā agásĩ rĩ gé.

31 Ĕsí ũká ũká rĩ, ú'dúkó āsĩrā rú rĩ, jĩkó rĩ, āwāngárá āsámví gé sĩ rĩ, u'dangárá rĩ, āzini tā ārėvú céré rií 'olé ũnjí ũnjí rĩ pi, lē ĩmi kukí āní.

32 Lē ĩmi adrikí múké ĩmi āsámví gé sĩ, ĩmi lėkí ĩmi lėlė, ĩmi trūkí ĩmi ọgũpĩ ĩmi 'o' 'bá ũnjí rĩ pi, sũ Múngú ní ĩmi trũú Kúrísítō vé tā sĩ rĩ tĩnĩ.

5

Lē ĩmi adrikí sũ Múngú ní lėé rĩ tĩnĩ

4:26 4:26 Sāwúmā 4:4 † 4:27 4:27 Ādróko: Ādróko vé rú Sātánā 'i, ĩri āmbúgú índrí ũnjí rĩ pi drĩgé, gā tā Múngú vé ri 'dugá ngagá sĩ 'bũ gé 'dálé. Múngú ídró ādróko ri índrí ũnjí rĩ pi be 'bũ gé 'dāásĩ nĩ. 'Í lā I'dangárá 12:7-9.

¹ Lē ĩmi 'okí tã p̄r̄i s̄ũ Múngú ní 'oó r̄ĩ t̄ĩn̄i, ã'diātās̄iyã ĩmi anji Múngú vé ĩri ní lēl̄ē ni pi.

² Lē ĩmi lēkí ĩmi lēl̄ē, s̄ũ Kúrísitō ní 'bã lēé r̄ĩ t̄ĩn̄i, adi 'i s̄ēé dr̄áá r̄õbõṅõ rú 'bã tã s̄ĩ, s̄ē Múngú adri ãní ãȳĩkō s̄ĩ.

³ ĩmi anji Múngú vé ni, lē ĩmi 'bãkí õw̄ũ ãluṅáni ku, ĩmi 'okí tã ãzãvũ rú ni ku, ĩmi 'bãkí ẹs̄ĩ ãmbúgú ngá dr̄ĩḡé ku, ã'diātās̄iyã anji Múngú vé uletere r̄ĩ pi 'okí tã ũnjí 'dĩ'bée ku.

⁴ Lē ĩmi rikí átángá ũnjí ũnjí ni pi átá ĩmi ãsámvú gé s̄ĩ ku, dõku ĩmi rikí tã azakaza vé ni pi átá ku, dõku ĩmi rikí átángá rií átá áví agá ũnj̄ĩkãnyã ïj̄ipi ni pi átá ku. Tã 'dĩ'bée adri múké ku. Ngá múké r̄ĩ, lē ĩmi rikí õw̄õ 'dĩfô s̄ēé Múngú ní.

⁵ ĩmi n̄ĩkí rá, 'bã riipi õw̄ũ 'bãápi muṅpi bãdãrú, ãzini riipi tã ũnjí 'oópi, ẹs̄ĩ 'bãápi ãmbúgú ngá dr̄ĩḡé r̄ĩ, 'bã 'dĩri ri ngá ĩ ní údé múngú rú ni ïnj̄ĩ, ícó fií mālũngã Kúrísitō pi vé Múngú be r̄ĩ agá ku. 'Bã ẹs̄ĩ 'bãápi ngá dr̄ĩḡé ãmbúgú r̄ĩ, ĩri ri ngá vũ dr̄ĩḡé nõgó r̄ĩ ïnj̄ĩ múngú rú.

⁶ Lē 'bã ãzi ã ri átángá azakaza vé ni átá ĩm̄i m̄i ũ'bãzú ku, ã'diātās̄iyã tã 'dĩni 'dĩ'bée s̄ēé Múngú ri 'bã tã 'o'bã dr̄ĩ ũkpó s̄ĩ 'dĩ'bée ĩr̄ĩṅã rá.

⁷ Lē ĩmi fikí tã 'bã 'dĩ'bée ní rií 'oó r̄ĩ 'oó ĩndĩ ku.

⁸ Ándúrú ĩmi rikí adrií ïnj̄ĩná agá, 'bo nóni ĩmi ũt̄un̄á agá, ã'diātās̄iyã ĩmi úmúkí ĩmi ícá Úpí Yēsũ Kúrísitō be tr̄ũ ngá ãlu gí. Kuru lē ĩmi adrikí s̄ũ 'bã adri'bã ũt̄un̄á agá r̄ĩ pi t̄ĩn̄i.

⁹ 'Bã adri'bée ũt̄un̄á agá r̄ĩ pi, k̄õpi ri tã múké 'o, tã p̄r̄i 'o, ãzini tã áda 'o.

10 Lē ĩmi nĭkí tã Úpí ní ãyĩkō sēepi rĩ.

11 Lē ĩmi fikí tã ẹ̀zı̀ ǎkó ĩ ní rií 'oó ını́nǎ agá rĩ pi 'oó ku, lē ĩmi i'dakí tã 'dĩ'bée ǎmvé kınĩ, tã 'dĩ'bée ũnjí.

12 Tã ũnjí 'bá Múngú ri nĭ'bá kuyé rĩ pi ní rií 'oó kırı kırı 'dĩ'bée, ǎ rikí tã ni 'bǎá tı́ gé ku, ĩri drĩnjá sē.

13 'Bo ıtıtúnǎ agá, tã ũnjí rĩ pi cére índre ku uletere,

14 ǎ'diātāsıyǎ ıtıtúnǎ ri sē ĩ ngá rĩ pi ǎrėvú ndre cére uletere. ĩ ní 'yozú ǎní kınĩ,

“Mi riıpi ú'dú koopi rĩ, lē mĩ íngá uru,
mĩ 'bá drǎapi gı́ rĩ, lē mĩ idrı gōó idri rú ũzi,
Kúrısıtō ri ímú dĭ mi drĩgé ıtıtúnǎ rú.”

15 ĩmi kǎdō riı adrıı, lē ĩmi adrıkı mı be kowu, lē ĩmi ǎ adrıkı sũ 'bá tã nĭ'bá ku rĩ pi tı́nı ku, lē ĩmi adrıkı úmı be.

16 ĩmi ıřúkı dō drĩlé múké tã 'ozú ni gı́, lē ĩmi 'okı tã múké ni pi muzú áyu, ǎ'diātāsıyǎ lókı nōri, ĩri lókı ũnjí.

17 Lē ĩmi adrıkı azakaza rú ku, lē ĩmi nĭkí tã Úpí ní lēé ĩmi 'okı rĩ.

18 ǎ mvukı́ íwá ĩmērėzú bǎdǎrú ku, ẽ iza rı́ ĩmivé adrıngará ku, ngá múké rĩ, lē Índrı Uletere rĩ ǎ ǎsú ĩmi nı́.

19 ĩmi kǎdō ĩmi úmú vũrǎ ǎlu gé, lē ĩmi ngokı úngó Sǎwumǎ vé rĩ pi, ĩmi ngokı úngó Múngú ǎ rú sı́. Lē ĩmi ngokı úngó Úpı́ Múngú ri ınjızú ẹ̀sı́ be cére.

20 Ú'dú cére, lē ĩmi sėkı́ ǔwō'dıfō 'bá Ẹ̀tėpı́ Múngú ní tã cére ĩri ní 'oó ĩmi ní rĩ sı́, 'bávė Úpı́ Yėřũ Kúrısıtō ǎ rú sı́.

Ūkú rĩ pi ìvé āgō rĩ pi be

21 Lě ìmi adrikí yìngárá sī ìmi āsámvú gé sī, ā'diātāsīyā ìmi 'dĩri ri Kúrísítō ri ìnjĩ.

22 Lě ūkú rĩ pi ā yìkí ìvé āgō rĩ pi ě tì yìyì, sũ kōpi ní Úpí ě tì yìyì rĩ tìyì.

23 Ā'diātāsīyā ágó ri āmbúgú ūkú drĩlé gá nĩ, sũ Kúrísítō ní adrií āmbúgú kánísā drĩlé gá rĩ tìyì, Kúrísítō ri 'bá rĩ pi pa ìvé ũnjĩkányā agásī nĩ.

24 Kúru lě ūkú rĩ pi ā yìkí ìvé āgō rĩ pi ě tì yìyì tā cére sī, sũ kánísā ní Kúrísítō ě tì yìyì rĩ tìyì.

25 Lě āgō rĩ pi ā lěkí ìvé ūkú rĩ pi lělě, sũ Kúrísítō ní 'bá kánísā vé rĩ pi lěé, ìri ní 'i adrií sěé drāá kōpi ā tā sī rĩ tìyì,

26 'bá kánísā vé rĩ pi ā adrikí rí uletere, ā ũjĩ rí 'bá kánísā vé rĩ pi adrií ũnjĩkányā ākó, ú'dúkó múké rĩ ā ũjĩ rí 'bá kánísā vé rĩ pi ícá uletere.

27 Kúrísítō vé drāngárá sī, 'dù 'bá kánísā vé rĩ pi 'bāá 'bá ìvé ni, adi 'i sěé drāá, 'bá kánísā vé rĩ pi ā adrikí rí uletere, tā ākó, āzāvũ ākó, ũnjĩkányā ākó, tā āzi ākó.

28 Kúru lě āgō rĩ pi ā lěkí ìvé ūkú rĩ pi lělě, sũ kōpi ní ì rù'bá lěé rĩ tìyì. 'Bá rĩ lě dō ìvé ūkú lělě, 'bá 'dĩri lě 'ì rù'bá lělě.

29 'Bá āzi āluṅáni 'ì rù'bá gāápi sī ni 'dāáyo, ìri sù 'ì rù'bá gá sùsù, ìri ì rù'bá ùtētē, sũ Kúrísítō ní 'bá kánísā vé rĩ pi ùtēé rĩ tìyì.

30 'Bá 'bá Kúrísítō vé ni, 'bā ìrivé rù'bá ìgélé.

31 Sīkí Búkũ Múngú vé rĩ agá kínĩ, "Tā 'dĩri sī, 'bá ágó ri ìvé étépì ku, ìri ìvé èndrèpì ku, kōpi ì

úmú ũkú ni be, 'bá ɣrĩ 'dĩ'bée ĩ úmú adri rú'bánlu."

³² Átángá 'dĩri mbamba, ícò fí 'bá āzi drĩgé múké ku, 'bo á lě tã 'dĩri vé ífífí ũlúú uletere, átángá 'dĩri lū kpá tã Kúrísítō pi vé 'bá kánísá vé rĩ pi be rĩ.

³³ Kúru lě 'bá ālu ālu ā lě ívé ũkú sũ 'í ní 'ĩ rú'bánlě rĩ tĩni, āzini lě ũkú rĩ ē ĩnjĩ ívé ágó ĩnjĩnjĩ.

6

Anjiná rĩ pi vé tã 'bá ĩ tĩ'bán rĩ pi be rĩ

¹ Anjiná rĩ pi, lě ĩmi 'dúkí tã ĩmi étépi vé rĩ, āzini ĩmi éndrépi vé rĩ ngaंगा, ā'diātāsīyā ĩmi 'okí dō 'dĩni, ĩri múké.

² "Lě mĩ ĩnjĩ mí étépi pi mí éndrépi be ĩnjĩnjĩ," Tāimbĩ ālu rĩ 'dĩni, Múngú kīnĩ, 'bá rĩ 'dụ dō tã rĩ ngaंगा sũ 'dĩri tĩni, ĩri tã múké ɣsụ rá.

³ "Mĩ ĩnjĩ dō mí étépi pi mí éndrépi be ĩnjĩnjĩ, mĩ drĩlé ri adri múké, mĩ adri ílí be āco vũ drĩgé nōgó."

⁴ ĩmi anji étépi, lě ĩmi átákí átángá anjiná rĩ pi ní ú'dúkó ũkpó ũkpó ni sĩ ku, ĩmi ímbákí kōpi létĩ múké sĩ, ĩmi ũlũkí tã Úpí vé rĩ kōpi ní.

Túgẽrĩ rĩ pi 'bá ambugu ĩ drĩlé gá rĩ pi be

⁵ ĩmi túgẽrĩ rĩ pi, lě ĩmi yíkí 'bá ambugu ĩmi ní ríí ẽzĩ ngaंगा kōpi ní vũ drĩgé nōgó rĩ pi ē tĩ yiyi, āzini lě ĩmi rukí kōpi ruru. Lě ĩmi ngakí kōpi ní ẽzĩ rĩ ẽsĩ be céré, sũ ĩmi ní ngaंगा Kúrísítō ní rĩ tĩni.

⁶ Īmi ngakí ẹ̀zị rĩ ũkpō sī, ǎ adri 'yozú kínĩ, 'bá ĩmi ní rií ẹ̀zị ngaá kōpi ní rĩ pi ní rií mị 'bǎá ĩmivé ẹ̀zị ndrezú gōgō rĩ sī ku, ĩmi ngakí ẹ̀zị rĩ, sũ t́úgẹ̀rĩ Kúrísítō vé ni pi t́ịnị, lē ĩmi ngakí ẹ̀zị rĩ, sũ Múngú ní lēé rĩ t́ịnị.

⁷ Īmi ngakí ẹ̀zị rĩ ẹ̀sị be céré, sũ ĩmi ní rií ngaá Úpí ní rĩ t́ịnị, adri 'yozú kínĩ, sũ ĩmi ní rií ngaá 'bá áda ní rĩ t́ịnị ku,

⁸ ǎ'diātāsīyǎ ĩmi n̄kí rá, 'bá rĩ dō t́úgẹ̀rĩ yǎ, adri dō t́úgẹ̀rĩ ku yǎ, ẹ̀zị múké ĩri ní ngaá rĩ sī, Úpí ri ĩri ũfē rá.

⁹ Īmi 'bá ambugu t́úgẹ̀rĩ rĩ pi ní rií ẹ̀zị ngaá ĩmi pálé gá rĩ pi, lē ĩmi rụkí ĩmivé t́úgẹ̀rĩ rĩ pi múké létì ǎlu ǎlu 'dĩri sī, ǎ 'okí kōpi ũnjí ku. Lē ĩmi ĩmgbēkí kōpi ē mị ku, lē ĩmi n̄kí áamá múké 'yozú kínĩ, ĩmi céré ri ẹ̀zị nga Múngú 'bávé ǎmbúgú 'bũ gé 'dǎá rĩ ní, ĩri ẹ̀ndrẹ̀tì gé, 'bá rĩ pi céré trǒtrǒ.

Ngá Múngú vé ẹ̀'dị 'dịzú ǎdróko be rĩ.

¹⁰ Átángá rĩ ǎ ụ̀dụ kínĩ, lē ĩmi adrikí ũkpō ũkpó Úpí vé ũkpō agaápi rá rĩ sī.

¹¹ Lē ĩmi úsúkí ĩmi ngá Múngú vé ẹ̀'dị 'dịzú rĩ pi sī, ĩmi ndēkí rí ǎdróko riípi mị ũ'bǎápi rĩ ǎní.

¹² Ẹ̀'dị 'bá ní rií 'dị rĩ, 'bá 'dịkí 'bá áda pi be ku, 'bá ri ẹ̀'dị rĩ 'dị índrì ũnjí ũkpō be ǎngū rụ 'bá rĩ pi be, índrì ũkpō be adri 'bá íniná agá rĩ pi be, ǎzini índrì ũnjí ũkpō be uru 'dǎá rĩ pi be.

¹³ Kúru lē ĩmi úsúkí ngá Múngú vé ẹ̀'dị 'dịzú rĩ pi ĩmî rụ 'bá gá, ụ̀dụ ǎdróko ní ímụzú ẹ̀'dị 'dịzú ĩmi be rĩ gé, ĩmi tukí rí pá ũkpó ũkpó, ẹ̀'dị rĩ kǎdō dé, ĩmi áwíkí rí pá tuú kuú ũkpó ũkpó.

14 Lē ĩmi tukí pá ũkpó ũkpó, ĩmi ũ'yĩkí gō tā áda vé rĩ ĩmi úpílẹ́ gá títí, ĩmi útúkí rí ĩmi kú ũrē ẹ̀'dí 'dìzú àdróko be, àzini ĩmi ũ'yĩkí aya kpọ̀ọ̀'bu tā pìrì vé rĩ ĩmi bẹ̀drì gé, ĩmi ùtēkí rí ĩmî rú'ba àní.

15 ĩmi adrikí ũrē mụ̀ú ú'dúkọ́ múké tākíri vé rĩ ùlũú, sù ĩmi ní ngá pá gá úsú mụ̀zú àní ẹ̀'dí 'dìzú rĩ tìni.

16 ĩmi ẹ̀'yĩkí Múngú ri, à adri rí ĩmi ní sù kúkúrúkú tìni, à úgbú rí í'yé àdróko vé àcì àcì rĩ ĩmî rú'ba gá sī rá.

17 Lē ĩmi rụkí pangará rĩ vé tā títí, sù ĩmi ní sàpú aya rú rĩ úsú ĩmi drìgé rĩ tìni, àzini lē ĩmi rụkí ìlì àco Índrí Uletere vé rĩ ĩmi drìgé, ìlì àco 'dìri, ìri ú'dúkọ́ Múngú vé rĩ.

18 Lē ĩmi zìkí Múngú ri sà be céré ũkpō Índrí Uletere rĩ vé rĩ sī, lē ĩmi adrikí mị be kọ̀wụ, àzini lē ĩmi zìkí 'bá Múngú vé rĩ pi ní céré lẹ̀tì be àndíàndí mụ̀zú ùdũ àkó.

19 ĩmi zìkí kpá má ní Múngú ri ìndī, Múngú à sē rí átángá pìrì má tì gé, mà ùlũ rí ú'dúkọ́ múké Múngú vé rĩ 'bá rĩ pi ní ùrì àkó, kọ̀pi à nìkí rí ìrivé tā múké.

20 ã 'bekí dō ma jó àngũ ũ'yìzú rĩ agá má ní ú'dúkọ́ múké rĩ ùlũú rĩ à tā sī drāáàsīyā, lē ĩmi zìkí má ní Múngú ri, mà ùlũ rí ú'dúkọ́ múké rĩ mụ̀zú drìdrì ùrì àkó, sù má ní lēé rĩ tìni.

Páulũ vé mōdó sēlé ùdũ gé rĩ

21 Má ẹ̀drìpì Tùkíkō má ní lēélē, ẹ̀zì ngaapi ẹ̀sì àlu sī Úpí ní rĩ, ìri mávé tā ùlũ ĩmi ní nī, ĩmi nìkí rí mávé adringará, àzini ẹ̀zì má ní ríi ngaá rĩ.

²² Tā ã pá má ní lězú ĩri pězú mužú ĩmi vúgá 'dīlé rĩ, ĩri 'dĩ, ĩmi nĩkí rí tã 'bá drĩgé bēnĩ, ã mužú rí ĩmĩ ẹsĩ ímbá, ĩmi adrikí rí ũkpó ũkpó.

²³ Má ẹdrípíjì má ọmvúpíjì, 'bá Ẹtẹpí Múngú, āzini Úpí Yẹsũ Kúrísítō ã sē ĩmi ní tākíri, lēngárá, āzini ẹ'yīngárá.

²⁴ Ẹsĩ múké Múngú vé rĩ ã adri 'bá céré 'bávé Úpí Yẹsũ Kúrísítō ri lē'bá mužú ụdũ ãkó rĩ pi ẹ ẹsĩ agá.

Keliko

Keliko: Ụ'dụkọ Múké Múngú vé rị New Testament+
copyright © 2017 Wycliffe Bible Translators, Inc.

Language: Keliko

Contributor: Wycliffe Bible Translators, Inc.

All rights reserved.

2025-05-06

PDF generated using Haiola and XeLaTeX on 6 May 2025 from source files
dated 6 May 2025

14717198-957a-524c-b31f-2c3197945b20